

雷學淇校本

考訂竹書紀年

潤身堂藏板




44575



序

竹書紀年者晉太康二年汲郡人發魏襄王家所得也其中竹書數十車多致朽壞脫誤唯紀年一編最爲分曉其所紀始黃帝終魏今王二十年蓋六國時晉魏史官所錄也梁天監中沈約始爲之附注然往往好言符瑞於歷代事實罕有發明數千年以來無有深知篤好能言是書者學淇雷先生得而讀之謂是書產於秦火未燔之前八十六年縱未卽宣聖筆削之餘當亦不致如古文尙書爲漢儒所僞作也於是於竹書逐年紀載之下暨休文所附注者一一皆爲之考訂誤者訂之疑者釋之闕者補之諸散見於他說者哀而集之經經緯史證據詳確俾從前聚訟盈庭而莫決者並皆折服而無辭此非獨紀年之幸

實後來讀紀年者之深幸也



畧例

紀年者魏史記也秦燒天下詩書諸侯史記尤甚春秋而外獨

紀年藏冢中獲免晉興既得是書命荀和衛束諸人遞相詮次

歷宋齊梁魏儒者咸寶守之蓋綦重也晉得是書列于中經副

禁虞千寶郭璞及徐廣裴駰陶宏景隋唐之際著作家亦多徵

引然諸經正義史漢注說每斥曰妄不以爲憑故傳者日稀積

久禠佚宋書藝文志止載三卷原書十卷朱子使林擇之求焉且

不獲今之二卷乃元明人所校宋本之殘缺耳予爲是先秦古

書多三代真蹟甲子事實有益于世教者不少故從事九年爲

之釐訂

紀年起黃帝終今王周宣王後用曲沃晉魏之年以夏正紀事

六朝唐宋言者既詳今傳本二卷幽王後仍紀周年用周正非竹書之舊也譌舛既甚放失頗多茲據載籍徵引之文悉爲校正各詳證據附見本條

紀年體例與春秋同房元齡管子注謂是周公之凡例也諸侯史記

周禮謂之四方之志墨子謂之百國春秋孟子曰晉之乘楚之檮杌魯之春秋一也今紀中間有差異而

實係紀年舊文者如是維若陽是爲桓公黃帝至禹自禹至桀

鄩侯子鱣立列會舉謚成湯元年之類皆與春秋異蓋紀出襄王冢此王未沒時魏之史

臣纂錄古志及其國書附辭紀下以便省覽進呈于王供檢閱

者是卽紀年之傳矣其初傳文必旁見側出與正紀不甚相淆

特竹簡科斗書湮蕪歲久難盡辨晰故晉時杜預郭璞已合紀

傳同稱近時傳本溷亂尤甚矣今所校訂凡紀文皆作大字傳

文在紀內者以小字別之其附于後者皆亞紀一字使傳與附

注有別紀與體例無違

紀年有附注傳本謂出沈約不知果否母曰諸段辭義荒渺乃

帝王世紀文說出緯候者沈氏既采入宋書無應更錄于此相

傳既久姑且存之其他注文唐宋人亦或稱引今別加注字竝

爲勘定

李唐而後議紀年者多誣趙宋以來傳竹書者實誤誣者枉正

誤者失真知而不言毋亦後死者之咎矣作考證一卷辨誤一

卷

班馬二書久爲世重據文覈事每有難通三統歷增益歲年六國表紊淆事實如商周御宇齊洛伐燕紀載之訛遺誤不少矣

據紀年歷象歲差有定數無庸後代頻更史傳疑義可旁通證以古經尤合網羅有自探討奚辭作紀年甲子年表列國年表二卷

大圖在上行健不息歷古迄今有何疾遲六朝來言歲差者乃各不同此未考紀年六甲之故也三統三正卽史記之斗綱三建司馬氏世掌天官所著十書此爲最古儒者不察乃以湯武改正朔解三統沿訛非一日矣今參考漢以後法取證秦以前書述紀年歷法天象圖一卷

國勢必因山澤地利關乎盛衰冀雍形勝實爲神臯徐豫土饒每多河患管子曰樹國必于不傾之地此專以形勢爲言而在德不在險則所以長治久安者更有當務稽古者立言不擇甚

謂禹有鴻溝之鑿湯爲迂道之師證以竹書其誣立見作紀年地形都邑圖一卷

司馬子長以伯益栢翳爲二人謂黃帝至紂四十六世至武王止十九世自言姓氏所出竝舉重黎昔人嘗訾議之矣然成周以降日趨于文宗支別而氏族繁謚法備而名號衆加以烏焉字別雉兕音訛岐之中又有岐實非臨文者所能猝辨竹書所紀有異於舊說而實與經傳發明者是亦考古之一證焉作紀年世繫名號圖二卷

亦豈豈齋考訂竹書紀年總目

序

總目

紀年六卷

五帝紀

殷商紀

晉紀

紀年辨誤一卷

辨晉書之誤

辨豪士賦序抱朴子之誤

辨宋初傳本之誤

畧例

夏后紀

周紀

魏紀

辨太平御覽實字記之誤

辨吳何諸人校本之誤

總目

亦豈豈齋

紀年可以正經學之誤 紀年可以正史書之誤

紀年可以正歷術之誤 答或問

紀年考證一卷

晉獲竹書考 竹書文字簡冊考

晉人校訂竹書考 紀年卷數考

紀年起自黃帝考 紀年用晉曲沃魏年紀事考

紀年終于今王考 紀年長歷考

晉魏用夏正考 紀年傳注考

紀年散佚考 宋以後紀年傳本考

紀年年表二卷

帝堯以來甲子年表 周元王後列國年表

紀年歷法天象圖一卷

唐虞天象圖 合堯典 夏后天象圖 合夏小正

商周之際天象圖 合逸書周月 東周及秦初天象圖 合月令

古今日至歲差圖 斗綱三合圖

三合四建圖 天正圖

地正圖 人正圖

北觀圖

紀年地形都邑圖一卷

五帝夏后地形都邑圖 殷商地形都邑圖

周武王後地形都邑圖 周平王後地形都邑圖

周元王後地形都邑圖 夏都河南圖

三代亳地圖

晉國都邑圖

魏梁都邑圖

紀年世繫名號圖二卷

歷代帝王及晉魏系圖一卷 共十二圖

侯國及卿大夫系圖一卷 共二十三圖

竹書紀年卷之一

通州雷學淇校訂

梁沈約附注

黃帝軒轅氏



注 母曰附寶見大電繞北斗樞星光照郊野感而孕二十五
月而生帝于壽邱弱而能言龍顏有聖德劾百神朝而使之
應龍攻蚩尤戰虎豹熊羆四獸之力以女魃止淫雨天下既
定聖德光被羣瑞畢臻有屈軼之草生于庭佞人入朝則草
指之是以佞人不敢進

元年帝即位居有熊

初制冕服

二十年景雲見以雲紀官

已手

五帝紀

亦器器齋

注有景雲之瑞赤方氣與青方氣相連赤方中有兩星青方中有一星凡三星皆黃色以天清明時見于攝提名曰景星帝黃服齋于中宮坐于元扈洛水之上有鳳皇集不食生蟲不履生草或止帝之東園或巢于阿閣或鳴于庭其雄自歌其雌自舞麒麟在囿神鳥來儀有大螻如羊大蠙如虹帝以土氣勝遂以土德王

五十年秋七月庚申鳳鳥至帝祭于洛水

徐本作五十七年

注庚申大霧三日三夜晝昏帝問天老力牧容成曰於公何如天老曰臣聞之國安其主好文則鳳皇居之國亂其主好武則鳳皇去之今鳳皇翔于東郊而樂之其音中夷則與天

相副以是觀之天有嚴教以賜帝帝勿犯也召史卜之龜爇史曰臣不能占也其問之聖人帝曰已問天老力牧容成矣史北面再拜曰龜不違聖智故爇霧既除游于洛水之上見大魚殺五牲以醮之天乃甚雨七日七夜魚流于海得圖書焉龍圖出河龜書出洛赤文篆字以授軒轅接萬神于明庭今寒門谷口是也

五十九年貫胸氏來賓長股氏來賓

七十七年昌意降居若水帝乾荒

孫本無帝字

一百年地裂。帝陟

注帝王之崩皆曰陟書稱新陟王謂新崩也帝以土德王應

地裂而陟葬□羣臣有左徹者感思帝德取衣冠几杖而廟饗之諸侯大夫歲時朝焉

韓昌黎黃陵廟碑引注文首句崩作沒缺處當是喬山字太平御覽七十九引抱樸子曰汲冢竹書言黃帝既仙去其臣左徹者削木為黃帝像率諸侯朝奉之路史後紀六引紀年云黃帝死七年其臣左徹乃立顓頊今按抱樸子無此文路史所稱亦張華博物志說羅氏誤以為注也

帝摯少昊氏

注約案帝摯少昊氏母曰女節見星如虹下流華渚既而夢

接意感生少昊登帝位有鳳皇之瑞或曰名清不居帝位帥鳥師居西方以鳥紀官

紀年存少昊之名而無所紀因竹書出冢簡多放失李唐以前無稱述者故輯者缺之沈注不知摯與清是二人故前二十六字誤以清為帝摯說詳義證字又誤以清為帝摯說詳義證

帝顓頊高陽氏

注母曰女樞見瑤光之星貫月如虹感已于幽房之宮生顓

頊于若水首戴干文有聖德生十年而佐少昊氏二十而登

帝位

元年帝即位居濮

十三年初作歷象

二十一年作承雲之樂

三十年帝產伯鯨是維若陽居天穆之陽

傳文前四字近本缺據郭璞大荒西經注引補

七十八年帝陟

術器作亂辛侯滅之

帝魯高辛氏

注生而駢齒有聖德初封辛侯代高陽氏王天下使鼓人拊
鞀鼓擊鐘磬鳳皇鼓翼而舞

元年帝即位居亳

十六年帝使重師師滅有郟

四十五年帝錫唐侯命

六十三年帝陟

注帝子摯立九年而廢

帝堯陶唐氏

注母曰慶都生于斗維之野常有黃雲覆其上及長觀于三
河常有龍隨之一旦龍負圖而至其文要曰赤受天祐眉八
彩鬚髮長七尺二寸面銳上豐下足履翼宿旣而陰風四合
赤龍感之孕十四月而生堯于丹陵其狀如圖及長身長十
尺有聖德封于唐夢攀天而上高辛氏衰天下歸之

元年丙子帝即位居冀

丙子隋書律歷志引作景子避
唐諱也路史後紀注引作丙子

命羲和 歷象

大字本和下作
缺文今从之

五年初巡狩四岳

七年有麟

十二年初治兵

十六年渠搜氏來賓

十九年命共工治河

二十九年春焦僂氏來貢沒羽

四十二年景星見于翼

五十年帝游于首山乘素車元駒

五十三年帝祭于洛

五十八年帝使后稷放帝子朱于丹水

郭璞海內南經注引作后稷放帝子朱于丹水
史記五帝本紀正義引作后稷放帝子丹朱

六十一年命崇伯鯀治河

六十九年黜崇伯鯀

七十年春正月帝使四岳錫虞舜命

注帝在位七十年景星出翼鳳皇在庭朱草生嘉禾秀甘露

潤醴泉出日月如合璧五星如連珠廚中自生肉其薄如筴

搖動則風生食物寒而不臭名曰筴脯又有草夾階而生月

朔始生一莢月半生十五莢十六日以後日落一莢及晦而

盡月小則一莢焦而不落名曰莫莢一曰歷莢洪水既平歸

功于舜將以天下禪之乃泐齊修壇墀于河洛擇良日帥舜

等升首山遵河渚有五老游焉蓋五星之精也相謂曰河圖

將來告帝以期知我者重瞳黃姚五老因飛為流星上入昴

二月辛丑昧明禮備至于日昃榮光出河休氣四塞白雲起

回風搖乃有龍馬銜甲赤文綠色緣壇而上吐甲圖而去甲
 似龜背廣九尺其圖以白玉為檢赤玉為匣泥以黃金約以
 青繩檢文曰闔色授帝舜言虞夏當受天命帝乃寫其言藏
 于東序後二年二月仲辛率羣臣沈璧于洛禮畢退俟至于
 下昃赤光起元龜負書而出背甲赤文成字止于壇其書言
 當禪舜遂讓舜

七十一年帝命二女嬪于舜

七十三年春正月舜受終于文祖

七十四年虞舜初巡狩四岳

七十五年司空禹治河

七十六年司空伐曹魏之戎克之

八十六年司空入觀誓用元圭

八十七年初建十有二州

八十九年作游宮于陶

九十年帝游居于陶

九十七年司空巡十有二州

一百年帝陟于陶

注 帝子丹朱避舜于房陵舜讓不克朱遂封于房為虞賓三
 年舜即天子之位

帝舜有虞氏

注母曰握登見大虹意感而生舜于姚墟目重瞳子故名重

華龍顏大口黑色身長六尺一寸舜父母憎舜使其塗廩自

下焚之舜服鳥工衣服飛去又使浚井自上填之以石舜服

龍工衣自傍而出耕于歷山夢眉與髮等遂登庸

元年己未帝即位居冀。作大韶之樂

注帝即位莫莢生于階鳳皇巢于庭擊石拊石以歌九韶百

獸率舞景星出于房地出乘黃之馬

三年命咎陶作刑

咎近本作皐北堂書鈔十七引作咎

九年西王母來朝

注西王母之來朝獻白環玉玦

十四年卿雲見命禹代虞事

注在位十有四年奏鐘石笙管未罷而天大雷雨疾風發近本

訛作登屋拔木桴鼓播地鐘磬亂行舞人頓伏樂正狂走舜乃

擁堵持衡而笑近本磬字缺擁訛作磬今據宋書符瑞志增改曰明哉天下非一人

之天下也亦乃見于鐘石笙管乎乃薦禹于天使行天子事

也于時和氣普應慶雲興焉若烟非烟若雲非雲郁郁紛紛

蕭索輪囷百工相和而歌卿雲帝乃倡之曰慶雲爛兮禮縵

縵兮日月光華且復旦兮羣臣咸進頓首曰明明上天爛然

星陳日月光華宏子一人帝乃再歌曰日月有常星辰有行

四時從經萬姓允誠於予論樂配天之靈遷于聖賢莫不咸

聽藝乎鼓之軒乎舞之精華已竭褰裳去之于是八風循通
 慶雲叢聚蟠龍奮迅于其藏蛟魚踊躍于其淵龜鼈咸出于
 其穴遷虞而事夏舜乃設壇于河依堯故事至于下昃榮光
 休至黃龍負圖長三十二尺廣九尺出于壇畔赤文綠錯其
 文言當禪禹

通鑿前編謂紀年載日月有常一歌誤在伊
 尹祀桐宮下據此是宋時輯本與今異也

十五年帝命夏后有事于太室

十七年春二月入學初用萬

二十五年息慎氏來朝貢弓矢

二十九年帝命子義鈞封于商

注 義鈞封于商是為商鈞

三十年葬后育于渭

注 后育娥皇也

育字當是育字之誤漢書地理志云扶風郡陳倉有舜妻音
 冢祠水經渭水注引作黃帝孫舜妻音冢蓋皇音相近古
 或通借音育
 皆字誤也

三十二年帝命夏后總師遂陟方岳

三十三年春正月夏后受命于神宗遂復九州

三十五年帝命夏后征有苗有苗氏來朝

通鑿外紀注一引隨巢子汲冢紀年云三苗將亡天雨血夏
 有水地折及泉龍生于廟日夜出晝日不出案隨巢乃墨
 家者流今墨子書有其事或沈注紀年徵引
 其語故外紀云云未審沈法原文為何如也

四十二年元都氏來朝貢寶玉

四十七年冬隕霜不殺草木

四十九年帝居于鳴條

五十年帝陟

注鳴條有蒼梧山帝崩遂葬焉

近本注未有今海州三字秦海州置于東魏在沈氏後非沈注也 學紀開引薛氏說謂蒼梧山在海州界蓋纂校者取而增益之今刪

竹書紀年卷之二

通州雷學淇校訂

梁沈約附注

帝禹夏后氏

黃帝至禹三十世

此七字與下自禹至桀自武王至穆王數段語意相類亦傳文也諸本皆缺今據路史發揮引補

注母曰修已出行見流星貫昴夢接意感既而吞神珠修已

背剖而生禹于石紐虎鼻大口兩耳參鏤首戴鉤鈐胸有玉

斗足文履已故名文命長有聖德長九尺九寸夢自洗于河

取水飲之又有白狐九尾之瑞當堯之世舜舉之禹觀于河

有長人白面魚身出曰吾河精也呼禹曰文命治水言訖授

禹河圖言治水之事乃退入于淵禹治水既畢天錫元珪以

紀年

夏后紀

一

亦嵩齋

告成功夏道將興草木暢茂青龍止于郊祝融之神降于崇山乃受舜禪即天子之位洛出龜書是為洪範

元年壬子帝即位居冀

三年喪畢都于陽城

傳文二語傳瓚漢書音義當引之瓚與荀勗同較竹書穆天子傳故並見紀年近本以附前注之未甚誤禮記緇衣正義引作禹都咸陽亦非

頒夏時于邦國

邦國徐發天元歷理引作方國

二年咎陶薨

五年巡狩會諸侯于塗山

注南巡狩濟江中流有二黃龍負舟舟人皆懼禹笑曰吾受

命于天屈力以養人生性也死命也奚憂龍或龍于是曳尾而逝

八年春會諸侯于會稽殺防風氏。夏六月雨金于夏邑。秋

八月帝陟于會稽

禹立四十五年

注禹薦益于天七年禹崩三年喪畢天下歸啟

帝啟

注一曰會

注文諸本缺據路史後紀注引補

元年癸亥帝即位于夏邑大饗諸侯于鈞臺諸侯從帝歸于冀都大饗諸侯于璿臺

紀年

夏后紀

二

亦當當齋

二年費侯伯益出就國。王帥師伐有扈大戰于甘

注有扈在始平鄠縣

六年伯益薨祠之

八年帝使孟涂如巴涖訟

十年帝巡狩舞九韶于大穆之野

郭璞大荒西經注路史後紀注俱引作夏后開舞九韶

十一年王放季子武觀于西河

注武觀即五觀也觀國今頓邱衛縣

此注及上有扈七字近本皆細書分行係于紀下考始平頓邱皆晉時郡名二段自屬休文註說否則晉人校詞而沈述

之矣

十五年武觀以西河叛彭伯壽帥師征西河武觀來歸

北堂書鈔十三引作啟征西河路史國名紀六亦引之

十七年陟年九十八

紀文十七近本作十六張本作十八今從陶宏景真誥闡幽微第一注引改傳文四字據真誥及路史後紀注引補真誥

引云啟即位立十九年亡年七十八自崩滅後至今已卯歲允二千四百五十二年路史引云啟立十九年年九十八案

真誥所引七九字顛倒路史十九年亦十七年之訛以陶氏所云啟崩後至己卯之年數推勘自見陶氏所云今己卯即

稽神樞第三所云齊東昏之己卯也路史引作年九十八此尤可徵信不然從近本十六年說則太康居喪不應四年路

史亦不應以啟立十六年為年代歷文而別紀年云云矣從十八年十九年說則啟于帝堯八十七年及八十八年始生

此時水土已平十二州已建禹不應謂啟呱呱而泣予弗子惟荒度土功矣可知真誥所引文實顛倒路史注及諸本十

六十八十九皆字誤也

帝太康

元年癸未帝即位居斟鄩畋于洛表羿入居斟鄩

紀年

夏后紀

三

亦器器齋

斟鄩漢書音義引作斟尋路史注作斟尋

四年陟

帝仲康

元年己丑帝卽位居斟鄩

五年秋九月庚戌朔日有食之命允侯帥師征羲和

六年錫昆吾命作伯

七年陟。世子相出居帝邱依鄩侯

注一作依同姓諸侯斟灌斟鄩

紀文帝邱諸本作商邱蓋簡出冢中土氣侵蝕字多消滅未易辨晰故水經瓠子河注已延此誤王伯厚所謂繆出帝王世紀者也案左傳僖公三十一年衛遷于帝邱成公夢康叔曰相奪予享公命祀相甯武子不可曰相之不祀于此久矣非衛之罪也杜注云相夏后啟之孫居帝邱據此是相居帝邱非商邱甚明今改鄩近本作邱

帝相

元年戊戌帝卽位居帝邱

太平御覽八十二引作帝相卽位處商

征畎夷

太平御覽八十二及路史後紀俱引作征淮夷漢書西羌傳及通覽前編引作征畎夷

二年征風夷及黃夷

漢書東夷列傳注引無風夷及三字路史引無夷及二字今據太平御覽八十二引補

七年于夷來賓

八年寒浞殺羿使其子澆居過

九年相居于斟灌

漢書音義引無于字

紀年

夏后紀

四

亦器器齊

十五年商侯相土作乘馬遂遷于商邱

二十年寒浞滅戈

二十六年寒浞使其子澆帥師滅斟灌

二十七年澆伐斟鄩大戰于淮覆其舟滅之

二十八年寒浞使其子澆弑帝后緡歸于有仍伯靡出奔鬲

注斟灌之墟是為帝邱后緡方娠逃出自竇歸于有仍伯靡

奔有鬲氏明年后緡生少康

夏世子少康生丙寅年

少康自有仍奔虞乙酉年

伯靡自鬲帥斟灌之師以伐浞世子少康使女艾伐過殺

澆甲辰年

胡應麟史學佔俾引女艾作靡艾

伯子杼帥師滅戈。伯靡殺寒浞少康自綸歸于夏邑乙巳年

注少康既長為仍牧正甚澆能戒之澆使椒求之將至仍少

康逃奔有虞為之庖正以除其害虞思于是妻之以二姚而

邑諸綸有田一成有衆一旅能布其德而兆其謀以收夏衆

撫其官職夏之遺臣伯靡自有鬲氏收二斟之燼以伐浞浞

恃澆皆康娛日忘其惡而不為備少康使女艾謀澆初浞娶

純狐氏有子早死其婦曰女岐寡居澆強圍往至其戶陽有

所求女岐為之縫裳其舍而宿女艾夜使人襲斷其首乃女

岐也澆既多力又善害艾乃畋獵放犬逐獸因喉澆顛隕乃

斬澆以歸于少康于是夏衆滅浞奉少康歸于夏邑諸侯始

聞之立為天子祀夏配天不失舊物

注文首句諸本作明年后
繙生少康今从大字本

帝少康

元年丙午帝即位諸侯來朝賓虞公

二年方夷來賓

三年復田稷

注后稷之後不窋失官至是而復

郭璞爾雅釋親注引竹書云不窋之曷孫未窋
是此處傳文否或瑣語名封及大歷等說也

十一年使商侯冥治河

胡應麟三墳補
遺引作十六年

十八年遷于原

二十一年陟

帝杼

元年己巳帝即位居原

五年自原遷于老邱

太平御覽八十二引作帝杼居原自遷
于老王路史後紀十四注同益字誤

八年征于東海伐三壽得一狐九尾

郭璞山海經注引作伯杼于征于東海及王壽得一狐九尾
路史注引作夏伯杼子之東征獲狐九尾通覽前編舉要引
作五年征東海伐三壽近本伐俱
作及路史國名紀云王壽即平壽

十三年商侯冥死于河

十七年陟

注杼或作帝宁一曰伯杼杼能帥禹者也故夏后氏報焉

紀年

帝芬

元年戊子帝即位

三年九夷來御

漢書東夷傳注引云后芬發即位二年九夷來御路史引作三年

十六年洛伯用與河伯馮夷鬪

三十三年封昆吾氏子于有蘇

三十六年作囿土

四十四年陟

汪芬或曰芬發

帝芒

元年壬申帝即位以元珪賓于河

十三年東狩于海獲大魚

太平御覽八十二引此無年吳本張本東作冬今从北堂書鈔八十九及路史後紀十四注引改

三十三年商侯遷于殷

五十八年陟

注芒或曰帝荒

北堂書鈔八十九引帝荒作后荒

帝泄

元年辛未帝即位

十二年殷侯子亥賓于有易有易殺而放之

十六年殷侯微以河伯之師伐有易殺其君綿臣

殷侯子亥賓于有易而淫焉有易之君綿臣殺而放之故殷

已年

夏后紀

七

亦置置齊

校定本

上甲微假師于河伯以伐有易滅之遂殺其君綿臣

殷侯子亥郭璞大荒東經注引作殷王子亥又云河伯僕牛皆人姓名見汲冢竹書今諸家本皆無僕牛名當是傳文有脫缺也

也

注 中葉衰而上甲微復興故殷人報焉

此注文也與上極能帥禹一段皆沈氏所引國語交近本誤接傳文後今析置之

二十一年命咻夷白夷赤夷元夷風夷陽夷

吳本何本作命咻夷白夷元夷風夷口口黃夷張本作咻夷白夷赤夷元夷風夷黃夷陳本作命咻夷白夷元夷風夷陽夷黃夷今少漢書東夷傳注及路史後紀注引改又路史注有由是服从四字此乃漢書西羌傳文所謂后泄始加爵命由是服从也羅氏以為紀文誤

由是服从也羅氏以為紀文誤

二十五年陟

路史注引此五誤作一

帝不降

元年己亥帝即位

六年伐九苑

三十五年殷滅皮氏

五十九年遜位于弟局

太平御覽八十二引作五十九年其弟立是為帝局

帝局

元年戊戌帝即位

十年帝不降陟

注 三代之世內禪惟不降實有聖德

十八年陟

已年

夏后紀

人

亦置器齋

帝厘

注 一名整甲

諸本及太平御覽八十二俱作一名亂甲案亂甲是孔甲非帝厘亂孔字相似故誤帝厘乃一名整甲非亂甲也呂氏春秋音初篇云殷整甲徙宅西河猶思故處實始作為西音今下紀云居西河作西者即其事殷字乃夏之譌逸書嘗麥云其在殷之五子亦誤夏為殷蓋古文二字形似也今改正詳下

元年己未帝即位

居西河

四年作西音

諸本居西河三字系于即位下愚案郭璞海外東經注引紀年云亂甲即位居西河是即位時居西河者乃亂甲非整甲也諸本誤以整甲為亂甲故即以三字係于即位下考呂氏春秋云整甲徙宅西河猶思故處實始作為西音據此是整甲即位之年猶居故處至二年或三年徙宅西河四年乃作西音也居西河三字當是某年自某遷于西河不得僅如此

云特古事僻遠舊簡襍軼不可詳已

昆吾氏遷于許

注 已姓名樊封于衛夏衰為伯遷于舊許

胡應麟史學佔碑引紀作帝癸元年昆吾氏出居許

八年陟

帝亂甲

諸本作帝孔甲于帝厘下注云一名亂甲案山海經注引紀年云亂甲即位居西河羅莘路史注云亂甲見汲紀年左傳作孔甲夫帝厘即位時不得即居西河予既前證之矣且景純在沈氏前若亂甲是沈氏注文則景純不得先易紀文之帝厘為亂甲况羅莘云亂甲見紀年左傳作孔甲是紀年元文止作亂甲無孔甲之稱明矣今改正

元年己巳帝即位居西河。廢豕韋氏使劉累豢龍

三年王畋于蕢山

已年

夏后紀

九

亦置器齋

賁从卂从力从貝音倍近本作賁誤

五年作東音

注王好事鬼神肆行淫亂諸侯化之夏政始衰田于東陽賁山天大風晦盲孔甲迷惑入于民室主人方乳或曰后來見良日也之子必大吉或又曰不勝也之子必有殃孔甲聞之曰以為予一人子夫誰殃之乃取其子以歸既長為斧所戕乃作破斧之歌是為東音

此注諸本系七年下今析置之

七年劉累遷于魯陽

注劉累所畜龍一雌死潛醢以食夏后夏后饗之既而使求之懼而遷于魯陽其後為范氏

九年天有祲孽十日竝出。王陟

天有祲孽十字諸本系帝厘八年下王陟作其年陟案山海經注引紀云亂甲即位居西河有妖孽十日竝出路史後紀云天有祲孽十日竝照于東陽其年允甲陟注謂事見紀年夫宋時竹書猶傳三卷長源父子實親見之其所著書必不誤也今既証以他籍知帝厘為整甲非亂甲則孔甲之為亂甲愈可徵信故據諸書改系于此其年陟乃徵引者約舉之詞元文當是王陟

注日本有十迭次而出運照無窮堯時為妖十日竝出故為

射所死

此注諸本缺據太平御覽三卷引補又四卷引云本有十日迭次而道運照無窮

殷侯復歸于商邱

帝昊

注昊一作皐

紀年

夏后紀

十

亦豈為齋

元年庚辰帝即位。使豕韋氏復國。

注夏衰昆吾豕韋相繼為伯。

三年陟

帝發

注一名后敬或曰發惠其子立為桀。

注末五字諸本脫今據太平御覽八十二引補。

元年乙酉帝即位諸夷賓于王門再保墉會于上池。諸夷入

舞。

漢書東夷列傳注及通鑿前編引無再保墉七字北堂書鈔八十二引有

七年陟。泰山崩。

帝癸

注一名桀

元年壬辰帝即位居斟鄩

三年桀傾宮。毀容臺。畎夷入于岐以叛。

六年跂踵戎來賓

跂字从足或从止近本作岐誤

十年五星錯行夜中星隕如雨。地震。伊洛竭。

十一年會諸侯于仍有緡氏逃歸遂滅有緡。

十三年遷于河南。初作輦。

十四年扁帥師伐岷山。

注一作山民

癸命扁伐山民山民女于桀二人曰琬曰琰后愛二人女無

子焉斲其名于茗華之玉茗是琬華是琰而棄其元妃于洛日妹喜于傾宮飾瑤臺居之

此段傳文劉逵吳都賦注郭璞山海經注裴駙史記司馬相如傳注並引之三人皆在沈氏前非沈注可知第于傾宮八字應在后愛二人不蓋宋元來輯是書者因此八字裴注未引見于他說故綴于傳未然既棄之矣何復飾瑤臺居之乎太平御覽八十二引傳文癸作后築妹喜下作築傾宮飾瑤臺作瓊室立玉門無居之二字一百三十五引作后築伐蒙山山民進女子築未句作日妹喜氏以與伊尹交遂以問夏無于傾宮八字三百八十一引作築伐岷山獻女于築二人八百五引云燉煌高約之郡府紀年曰築伐岷山岷山女于築二女曰琬曰琰彼愛二女無子刻其名于茗華之玉茗是琬華是琰路史注引與御覽一百三十五同愚案作瓊室立玉門乃殷王辛紂事觀劉逵吳都賦注所引自見與伊尹交遂以問夏乃竹書瑣語附會國語比而亡夏之說亦非紀文觀楊慎丹鉛錄所載自見皆李昉等誤綴于此也岷山蒙山嶧山實皆一地傳述者有誤耳

十五年商侯履遷于亳成湯元年

十七年商使伊尹來朝

二十年伊尹歸于商及汝鳩汝方會于北門

二十一年商師征有洛克之遂征荆荆降

二十二年商侯履來朝命囚履于夏臺

二十三年釋商侯履諸侯遂賓于商

二十六年商滅溫

二十八年昆吾氏伐商商會諸侯于景亳遂征韋商師取韋遂

征顧。太史令終古出奔商

二十九年商師取顧。三日竝出費伯昌出奔商

案帝王世紀及博物志三日是二日之訛說詳義証

冬十月鑿山穿陵以通于河

紀年

夏后紀

三

亦豈豈齋

三十年瞿山崩。殺其大夫關龍逢。商師征昆吾。冬聆隧災。

三十一年社圻裂

此紀諸本缺據太平御覽八百八十路史後紀十四注引補

商自陞征夏邑克昆吾大雷雨戰于鳴條夏師敗績桀出奔三

朶商師征三朶戰于邠獲桀于焦門放之于南巢
自禹至桀十七世有王與無王用歲四百七十二年

注起壬子終壬戌

史記夏本紀集解引傳二作一路史後紀注引作二蓋自虞舜十四年禹代虞事數至桀亡之歲共有此數也若自禹卽帝位數之祇四百三十二年與漢書律歷志帝王世紀諸書說同附注六字卽從卽帝位起數非釋傳已

紀年夏后紀終

竹書紀年卷之三

通州雷學淇校訂

梁沈約附注

殷商成湯

名履

注湯有七名而九征放桀于南巢而還諸侯八譯而來者千

八百國奇肱氏以車至乃同尊天乙履爲天子三讓遂卽天

子之位初高辛氏之世妃曰簡狄以春分元鳥至之日從帝

祀郊禘與其妹浴于元邱之水有元鳥銜卵而墜之五色甚

好二人競取覆以二筐簡狄先得而吞之遂孕胸剖而生契

長爲堯司徒成功于民受封于商後十三世生主癸主癸之

妃曰扶都見白氣貫月意感以乙日生湯號天乙豐下銳上

哲而有得。句身而揚聲。長九尺。臂有四肘。是為成湯。湯在亳。能修其德。伊摯將應。湯命夢乘船。過日月之旁。湯乃東至于洛。觀帝堯之壇。沈璧。退立。黃魚雙踊。黑鳥隨之。止于壇。化為黑玉。又有黑龜。竝赤文成字。言夏桀無道。湯當伐之。檣杙之神。見于邳山。有神牽白狼。銜鉤而入商朝。金德將盛。銀自山溢。湯將奉天命。放桀。夢及天而舐之。遂有天下。商人後改天下之號曰殷。

路史後紀引注文首句作湯七年而九征太平御覽八十三引與今同

十八年癸亥王卽位居亳。始屋夏社。

十九年大旱。氏羌來賓。

二十年大旱。夏桀卒于亭山。禁弦歌舞。

二十一年大旱。鑄金幣。

二十二年大旱。

二十三年大旱。

二十四年大旱。王禱于桑林。雨。

二十五年作大濩樂。初巡狩。定獻令。

二十七年遷九鼎于商邑。

二十九年陟。

外丙。

名勝。

元年乙亥卽位居亳。命卿士伊尹。

太平御覽八十三引作外丙勝居亳

紀年

二年陟

仲壬

名庸

元年丁丑王卽位居亳命卿士伊尹

杜預左傳後序引無名庸元年丁丑王七字

四年陟

太甲

名至

元年辛巳王卽位居亳命卿士伊尹

伊尹放太甲于桐乃自立

注約案伊尹自立蓋誤以攝政爲真爾

七年王潛出自桐殺伊尹天大霧三日乃立其子伊陟伊奮命

復其父之田宅而中分之

注約案此文與前後不類蓋後世所益

左傳後序引此紀七年上有伊尹卽位放太甲七字無大霧句路史發揮注引與後序同七年作三年大字本無乃自立及此段紀注于沃丁卽位後書云伊尹卒又細書云百有六歲與揚慎丹鉛錄所引紀年同蓋元明輯是書者因其紕繆削去不載復從經傳之說擬爲此也非紀年原文沈注疑紀爲後世所益亦未確杜預陸機皆已稱引則此紀非後世所益甚明蓋戰國時處士橫議實爲此言猶鹿毛壽之說燕王調益于啟位而啟殺之也魏之史臣信其誣說誤筆于書無庸駕言僞託矣

十年大饗于太廟初祀方明

十二年陟

沃丁

已三

殷商紀

三

亦囂囂齋

二

校定本

紀年

名絢

元年癸巳王卽位居亳命卿士咎單

八年祠保衡

十九年陟

小庚

名辨

注約案史記作太庚

元年壬子王卽位居亳

太平御覽八十三引作小庚辨卽位居亳

五年陟

小甲

名高

元年丁巳王卽位居亳

太平御覽八十三引作小甲高卽位居亳

十七年陟

雍己

名佃

元年甲戌王卽位居亳

太平御覽八十三引作雍己佃卽位居亳

十二年陟

太戊

名密

紀年

殷商紀

亦囂齋

三校定本

元年丙戌王卽位居亳命卿士伊陟臣扈

七年有桑穀生于朝

穀从穀从木諸本多誤作穀

十一年命巫咸禱于山川

二十六年西戎來賓。王使王孟聘西戎

三十一年命費侯中衍爲車正

三十五年作寅車

四十六年大有年

五十八年城蒲姑

六十一年東九夷來賓

七十五年陟

注太戊遇祥桑側身修行三年之後遠方慕明德重譯而至

者七十六國商道復興廟爲大宗

太宗諸本作中宗又注云竹書作太宗案下注祖乙爲中宗則太戊自當是太宗未審誰氏據史記文改作中宗故校者又正之云竹書作太宗也今從大字本及張本改

仲丁

名莊

元年辛丑王卽位自亳遷于囂于河上

太平御覽八十三引無傳文三字

六年征藍夷

後漢書東夷傳注引作仲丁卽位征于藍夷

九年陟

純年

外王

名發

元年庚戌王卽位居囂

邳人姚夔叛

史學帖傳引此
作外壬四年

十年陟

河亶甲

名整

元年庚申王卽位自囂遷于相

三年彭伯克邳

四年征藍夷

五年姚人入于班方彭伯韋伯伐班方姚人來賓

姚吳何本作佻古通太平御覽八十三引云河
亶甲整卽位自囂遷于相征藍夷再征班方

九年陟

祖乙

名滕

元年己巳王卽位自相遷于耿。命彭伯韋伯

二年圮于耿自耿遷于庇

太平御覽八十三引云祖
乙勝卽位是爲中宗居庇

三年命卿士巫賢

八年城庇

十五年命邠侯高圉

己三

殷商紀

六

亦囂囂齊

五

校定本

紀年

卷一百一

六

校定本

十九年陟

注祖乙之世商道復興廟為中宗

近本注下有細書云史記與無逸無之蓋輯者校勘之詞今刪

祖辛

名旦

元年戊子王即位居庇

十四年陟

開甲

名踰

注史記作沃甲

元年壬寅王即位居庇

太平御覽八十三引作帝開甲踰即位居庇

五年陟

祖丁

名新

元年丁未王即位居庇

九年陟

南庚

名更

元年丙辰王即位居庇

三年自庇遷于奄

近本脫自庇二字太平御覽八十三引云南庚更自庇遷于奄今補

已

殷商紀

七

亦當

六年陟

陽甲

名和

注一名和甲

元年壬戌玉卽位居奄

三年西征丹山戎

郭璞大荒北經注引作和甲西征得一丹山

四年陟

盤庚

名旬

元年丙寅王卽位居奄

七年應侯來朝

十四年自奄遷于殷

殷虛南去鄴四十里是舊殷虛自盤庚遷殷至紂之滅二百

五十二年更不徙都紂時稍大其邑南距朝歌北據邯鄲及

沙邱皆為離宮別館

太平御覽八十三引紀作盤庚旬自奄遷于北蒙曰殷近本皆同史記正義引括地志謂紀年云盤庚字也北蒙曰殷墟

路史國名紀引作盤庚自奄遷于北蒙曰殷墟此皆因紀年一書世少傳本其軼時見他說鑄錄多訛故著作家誤讀漢

書音義及水經注文約而為此近本又以訛傳訛失于考質故也案史記項羽本紀集解引傳瓚漢書音義云洹水在今

安陽縣北去朝歌殷都一百五十里然則此殷虛非朝歌也汲冢古文曰盤庚遷于此汲冢曰殷虛南去鄴三十里是舊

殷虛然則朝歌非盤庚所遷者水經洹水注曰洹水出山東逕殷虛北竹書紀年曰盤庚卽位自奄遷于此遂曰殷二書

之文本如是此皆指殷言也當時錄板鈔錄者字有謬脫于是讀者以此為北遺去汲字下連殷虛為句遂曰自奄遷于

已下 殷商紀 亦驚嘉齋

北蒙曰殷虛又誤水經注此遂二字為北蒙乃又曰自奄遷于北蒙曰殷不知二書所引紀文初未嘗如此也殷虛二句本是傳文故傅氏復標以汲冢曰三字酈氏所謂遂曰殷者即解商人所以兼號為殷之故非紀年有此詞也今尚書盤庚正義引紀云盤庚自奄遷于殷詞與傳酈二書所引相應故據以改正。殷虛以下五十三字皆魏之史臣附錄于下釋遷殷及此後十一王居殷之詞也諸本皆缺首二句漢書音義引之四作三盤庚正義引作殷在鄴南三十里今據括地志引補案括地志謂鄴城西南三十里有洹水南岸三里有安陽城西有城名殷墟水經注謂洹水出山東逕殷虛北又東北過鄴縣南又東逕安陽縣故城北是殷虛在安陽西南矣通計之蓋殷在鄴城西南三十五六里傳云在南其大望也云四十里古尺短也古文三四皆積畫成字故音義等書皆誤三為三也是舊殷虛括地志引作是舊都城今據漢書音義改正自盤庚以下據史記殷本紀正義引補二百五十二年正義引作七百七十二年蓋字誤今據紀文十二王在位之數推演改正

十五年營殷邑

十九年命邠侯亞圍

二十八年陟

小辛

名頌

元年甲午王即位居殷

三年陟

小乙

名斂

元年丁酉王即位居殷

太平御覽八十三引作小乙斂居殷

六年命世子昭居于河學于甘盤

昭近本作武丁今从大字本

紀年

殷商紀

九

亦置費豐齊

元年

十年陟

武丁

名昭

元年丁未王卽位居殷命卿士甘盤

三年夢求傅說得之

六年命卿士傅說視學養老

十二年報祀上甲微

二十五年王子孝已卒于野

二十九年彤祭太廟有雉來

三十二年伐鬼方次于荆

三十四年王師克鬼方氐羗來賓

四十二年王師滅大彭

五十年征豕韋克之

五十九年陟

注王殷之大仁也力行王道不敢荒寧嘉靖殷邦至于小大

無時或怨是時輿地東不過江黃西不過氐羗南不過荆蠻

北不過朔方而頌聲作禮廢而復起廟號高宗

祖庚

名曜

元年丙午王卽位居殷

太平御覽八十三引作祖庚躍居殷

作高宗之訓

九

校定本

紀年

十一年陟

祖甲

名載

一注國諸作帝甲

元年丁巳王卽位居殷

十二年征西戎冬王返自西戎

近本紀下有分行細書云祖甲西征得一丹山此郭璞大荒北經注所引和甲事輯者誤系于此也刪

十三年西戎來賓。命邠侯組紺

二十四年重作湯刑

二十七年命王子囂王子良

三十三年陟

注王舊在野及卽位知小人之依能保惠庶民不侮鰥寡迨

其末也繁刑以攜遠殷道復衰

近本注下有分行細書引國語元王勤商四語節去而與二字于文義頗不協蓋校輯者所附益非沈注也大字本及張

無本

馮辛

名先

注史記作廩先

元年庚寅王卽位居殷

四年陟

庚丁

名囂

已三

殷商紀

二

亦囂囂齋

州

一

校定本

九年

殷商紀

二

校定本

元年甲午王卽位居殷

八年陟

武乙

名瞿

元年壬寅王卽位居殷。邠遷于岐周

三年命周公奭父賜以岐邑

諸本三年下有自殷遷于河北六字又有十五年自河北歸于沫九字又文丁紀居殷下有分行細字云自沫歸殷邑案前傳云自盤庚遷殷更不徙都紂時稍大其邑南距朝歌據此是盤庚以後無復徙都之事諸本脫去傳文不知盤庚之遷已在河北故刺取史記等文擬而為此又自矛盾其說謂自河北歸于沫夫前此既未嘗都沫則此之所謂歸者何義乎謂文丁既自沫歸殷矣則紂之滅時何以又在朝歌乎反復推勘知此二十字皆非紀文蓋紂時以朝歌爲下都時游居之有淇園及鹿臺故紀云帝辛十七年王游于淇傳亦云有離宮別館初未嘗徙宗廟社稷胥人民而遷之也觀路史

國名紀之遷鹿遷奄遷殷皆云見紀年沫與朝歌則云水經世紀不曰見紀年則此非紀年文益信今既補錄盤庚傳文此二十字悉从張本刪去

二十一年周公奭父薨

二十四年周師伐程戰于畢克之

三十年周師伐義渠乃獲其君以歸

大字本無乃字

三十四年周公季歷來朝王賜地三十里玉十穀馬十匹

三十五年周公季歷伐西落鬼戎俘二十翟王

末五字諸本脫據漢書西羌傳注引補

王畋于河洛大雷震死

文丁

已戶

殷商紀

三

亦嘗焉齋

名托

注 史記作太丁非

後漢書注及通鑑前編注引紀文仍作太丁誤

元年丁丑王卽位居殷

二年周公季歷伐燕京之戎敗績

漢書西羌傳注引此作太丁二年周人伐燕京之戎周師大敗

三年洹水一日三絕

四年周公季歷伐余無之戎克之命爲牧師

漢書西羌傳注引云太丁四年周人伐余無之戎克之周王季命爲殷牧師文選典引注引作武乙卽位周王季命爲殷

牧師 蓋誤

五年周作程邑

七年周公季歷伐始呼之戎克之

後漢書注引周公季歷亦作周人

十一年周公季歷伐翳徒之戎獲其三天夫來獻捷

漢書注引作周人伐翳徒之戎捷其三天夫

王殺季歷

注 王嘉季歷之功錫之圭瓚拒鬯九命爲伯旣而執諸塞庫

季歷因而死因謂文丁殺季歷

晉書束皙傳引紀作文丁殺季歷史通引作文王殺季歷文王卽文丁王也皆約畧之詞注下近本又有細字云執王季

于塞庫羈文王于玉門鬱厄之情辭以作歌其傳久矣前二語本庾信齊王憲神道碑執王季碑作囚箕子後三語本蔡

筮琴操信生沈氏後沈無从得見庾文且與注文義不屬此校者所附非沈注也

十二年 周文王 有鳳集于岐山

周文王元年五字當在帝乙元年下蓋此時文王但即繼體之位未改元也書無逸曰文王受命為中身厥享國五十年今自帝辛四十一年文王薨逆推之至帝乙元年實五十年是此時未改元明矣魏之史臣誤以王之即位亦如殷法以王卒之明年即改元不知王痛父死之非罪實畢三年之喪始即諸侯之位故無逸云五十年也況震怒其父而囚殺之恐王之且有後命不遽改元者亦人臣待罪竟上之意鄭康成無逸注云受命謂受殷王嗣立之命然則文王居喪釋服後實以皮帛繼子男朝王受命至帝乙元祀乃改稱元年也或謂呂氏春秋制樂云文王立國五十一年而終一卽二字之誤書云五十年特約舉之詞此不必然夫無逸乃周公陳戒之書其于殷之三宗皆詳舉其年而反獨于文考之年約之乎呂覽制樂篇一字自是衍文若果是二字之譌與紀年說亦正符合但五十二年是統居喪之數計之非改元後五十二年也

十三年陟

帝乙

名羨

元年庚寅王卽位居殷

三年王命南仲西拒昆夷城朔方。夏六月周地震

九年陟

帝辛

名受

卽紂也一日辛受

元年己亥王卽位居殷命九侯周侯邠侯

注周侯為西伯昌

邠諸本作邠陳本誤作刊今从大字本

三年有雀生鷓

四年大蒐于黎。作炮烙之刑

已丑

殷商紀

句

亦置置齋

紀年 校定本

五年夏築南單之臺。雨土于亳

六年西伯初禴于畢

九年王師伐有蘇獲妣己以歸。作瓊室立玉門

十年夏六月王畋于西郊

十七年西伯伐翟。冬王游于淇

二十一年春正月諸侯朝周。伯夷叔齊白孤竹歸于周

二十二年冬大蒐于渭

二十三年囚西伯于羑里

二十九年釋西伯諸侯逆西伯歸于程

三十年春三月西伯率諸侯入貢

三十一年西伯治兵于畢得呂尙以為師

三十二年五星聚于房。有赤鳥集于周社。密人侵阮西伯

帥師伐密

三十三年密人降于周師遂遷于程。王錫命西伯得專征伐

注約案文王受命九年大統未集蓋得專征伐受命自此年

始

三十四年周師取耆及邢遂伐崇崇人降。冬十二月昆夷侵

周。周大曠

開元占經一百一引紀云帝辛受時周大曠未詳何年今諸本缺附于此者然即下年周大饑之誤存以俟考

三十五年大饑西伯自程遷于豐

三十六年春正月諸侯朝于周遂伐昆夷。西伯使世子發營

鎬

紀年 殷商紀 亦貴齋

三十七年周作辟雍

三十九年大夫辛甲出奔周

四十年周作靈臺王使膠鬲求玉于周

四十一年春三月西伯昌薨

周文王葬畢畢西于豐三十里

四十二年周武王元年西伯發受丹書于呂尚。有女子化為丈夫

四十三年春大閱。嶢山崩

四十四年西伯發戡黎

四十七年內史向擊出奔周

四十八年夷羊見。二日竝出

五十一年冬十一月戊子周師渡盟津而還。王囚箕子殺王

子比干微子出奔

五十二年周武王十一年庚寅周始伐殷

周武王十一年六字諸本缺今據新唐書歷志引補伐殷唐書作伐商太平御覽八十三引作帝乙二年周人伐商誤

秋周師次于鮮原。冬十有一月周師有事于上帝庸蜀羌髡

微盧彭濮從周師伐殷

注伐殷至邢邱更名邢邱曰懷


湯滅夏以至于受二十九王用歲四百九十七年

注起癸亥終庚寅


史記集解文選六代論注並引傳文二十九王乃三十王之訛魏之史臣誤計其數也七字俱訛作六蓋自成湯十八年

即天子位至帝辛四十一年共用歲四百九十七明年即周武王元年也若終紂之世則五百有八年自伐桀之年計之

則五百零九年統成湯元年計之則五百一十五年也附注六字即五百有八年之數



紀年殷商紀終



光緒

庚子

三

校定本



70051076

